

LESSON 1

*December 28–January 3

Pasian Hong Itna In Hong Khahkhia



SABBATH NITAAK

Tu Kaalsung Simding: *Pai. 33:15–22; Hosea 14:1–4; Mang. 4:11; John 17:24; Matt. 22:1–14; John 10:17, 18.*

Kamngah: “Amaute tungah heh nawnlo ka hih manin, A nungtolh na uh pan ka samkik ding a, it tawp lo-in ka it ding hi.” (*Hosea 14:4, ZSV*)

Peter in *Matt. 26:34* sunga Zeisu’ genkholhsa mah bangin, thumvei nial hitaleh tua nialna tetawh a tangthu tawpsak nailo hi. Zeisu in a thawhkik khith ciangin Peter kiangah “*Hih mite sangin nong itzaw hiam?*” ci in dong hi. Peter in zong “*Topa kong it a, kong it zong theilel teh*” ci’n dawng hi. Zeisu in “*Ka tuuno te kem in aw*” cih. Khatvei Zeisu in “*Nong it hiam?*” ci in dongkik leuleu a, Peter in “*Topa kong it a, kong it zong theilel teh*” ci leuleu hi. Tuaciang Zeisu in “*Ka tuute cing in aw*” ci leuleu hi. Khatvei mah a thumvei na Zeisu in Peter kiangah “*Nong it hiam?*” ci in dong leuleu ahih manin; Peter in “*Nong it hiam*” cih thumvei dong liang zawzen cihpen lungsim nasa ahih manin, “*Topa aw, na khempeuh na thei hi. Kong it zong na theilel hi*” ci in hi. Tua ciangin Zeisu in zong “*Ka tuute kem in aw*” (*John 21:15–17*) ci leuleu hi. John in thumvei sitset Zeisu na nial ahih manin, Zeisu in zong a sihkhou mahmah dotna “*Nong it hiam*” ci in thumvei sitset mah dongpha kik hi.

Eima dinmun pen Peter tawh kibang keiphial taleh, a thukhun paipi kibang peuh hi. Peter tungah Zeisu in a dot dotna thupi mahmah pen mah bangin: Pasian in zong eite eimau hun tawh kituak in hong dong hi “*Nong it hiam?*”

Na khempeuh eima dawna tungah kinga khin hi.

**January 4, Sabbath a ding kiginkholhna in tukaal lesson sim in.*

Ei' Lametna Sangin A Zaizaw

Pasian in “*Nong it hiam*” cih hong dong beklel hilo a, Manngenlo in mimal kim hong it hi. Eite' ngaihsut phakzah galkhat pek ah nang leh kei Manngenlo in hong it hi. Amah in manngen hetlo takpi in nang leh kei banah mikhempeuh ngaihsut phakloh in hong it hi. Tua hong itna zong Ama' mite tangthu sunga Ama' sepnate tungtawn in telthei hi hang.

Simin, Paikhiatna 33:15–22. A sunga thu om leh kihona teng bang ci nasa hiam? A diakin aneu 19 in Pasian deihna le a itna na koici muh hiam?

Israel te in sal panin a lamdang Pasian hotkhiatna tawh Egypt khut sungpan a suahtak khit sawt nai hetlopi in, tuateng mangngilh mansuah in bawngno' lim biakpiakna tawh Pasian langdo pah uhhi. Mualtung pan Moses hong tuaksuk in, amaute' gamtatna teng a muh ciangin, Thukham sawm teng a kigelhna suangpeek tawh deengsuk pah in, amaute kithehthang sak hi. Kithutuahna tungtawn in Pasian in a Manngenlo in a piak ding thupha teng khempeuh saan theihna ding dinmun teng taisan nusia uh hi taseleh, Pasian in amaute tawh ki thutuahna thupha teng mah tawh amaute kilawm hetlo hi taseleh man ngenlo in amau mah teel teitei hi.

Paikhiatna 33:19 sungah “Keima' hoihna namai ah ka paisak ding a, namai ah Keima' min ‘Topa cih ka pulak ding hi. Ka dik nop mite tungah ka dik ding a, ka hehpih nop mite ka hehpih ding hi” a cihpen: telkhialhna tawh Pasian in thupaipi bang omlo in Ama hehpih ding mite Ama' deih bangin teel lel hi ci uhhi. A thupaipi taktak bel, Pasian in Ama' hoihsakte hehpih in a dangte mudah cihna hituanlo hi. Tulai pawlkhatte upna bangin, Pasian in mi pawlkhat pen tawntung beina sungah a mangthang dingin sehkhin cihbangin Pasian semlo hi.

Hiteng ah Pasian in bang a cinuam hiam? Pasian in na khempeuh Piangsakpa hi a, a kilawm lo pen khat mah zong thupha piaktheihna thu nei ahihna pulakna ahi hi. Tuamah bangin, bawngno' lim a biak khit nangawn in zong kilawm hetlo pimah ahi Israel mite hehpih teitei lai hi. Hipen eite' lam-et zah khengval in Ama' itna Pasian in hong lahna tampi lakah khat ahi hi.

Pasian in nangma lam-et loh zah dong Ama' itna nang tungah koi bangin honglak zelzel hiam?

Thuhkik Ding Lameno Itna

Pasian in a puk mihing a it teiteina Hosea' tangthu sungah om hi. Pasian in kamsang Hosea kiangah, "Hih gam mite Kei tungah citaklo in pasian dangte bia uh ahih manin, nang zong hong tulpih loding numei paktat khat tenpih inla, tuanu tawh ta nei in" (*Hos. 1:2*) cih sawl hi. Hosea leh a citaklo a zi pen, tualai in khalam a paktat Israel mite a dingin Pasian itna lim nungta khat ahi hi. Pasian' itna in a kilawm hetlo mite tungah zong man ngenlo in hong luang cihna ahi hi.

Pasian in cihtakna tawh it hinapi, mite in langdo zelzel uhhi. Lai Siangtho in Pasian pen a citaklo zi nangawn a it tentan pa cih hong lak hi. Amah in bel a mite itna citak tawh it hinapi, amaute in ahihleh pasian dangte biaksan in simmawh bawl in, a kipuahpha thei nawnlo ding zah in kizopna sutat uhhi.

Simin, Hosea 14:1–4. Hih munteng in a kipkho Pasian' itna bang honglak hiam?

A mite' langdo kinken khit ciang nangawn in Pasian in; "*Amau' nungtolhna teng ka damsak ding a, lungsim takpi tawh amaute ka itding hi*" ci hi. "Lungsim takpi tawh" a cihpen Hebrew pau *nedabah* a kiletkhia hi a, piaknopna taktak, manngen lo cihna ahi hi. Biakbuk sunga piaknopna piakkhiat sumpi a cihna tawh Akibang ahi hi.

Hosea' laibu sunga kihona sungah, Pasian in a mite tungah a kipiakna le veiina lamdang lak hi. Amaute in lawmngaih dang neihsan zel in kizopna sutat in puahphat theih ding bang zong ahih nawnlo in thuciam palsat hitaleh; Pasian in Ama' deihsak itna mah tawh it tentan lai hi. Mite in Pasian' itna tawh kilawm loliang dingin, amau' gam teng nusia in nial uhhi. Tua pipi mah in Pasian in ngawhbawl hetlo in itna luan tawntung hi. Hihteng bek hilo mun tuamtuam ah zong Pasian hong itna pen man ngenlo le lungsim takpi tawh itna hong luan ci hi.

Mi tampi in Pasian pen a gamlapi panin khauhtak in mihing ukcip cihbang in ngaihsun uh hi. Hihteng ah a citaklo zi khat tungah beitheilo in it teitei cihthu namuh ciangin; Pasian na muhna koibang in hong kilamdang hiam? Tuathu in Pasian na muhzia leh Amah tawh na kizopna koibang in khel thei hiam?

Man Ngenlo-in Hong Kipia Itna

Pasian in, Amah langpanin nungta himah taleng, hong itna in i sep na khempeuh ah hong zui den hi. Mi mawh ihih manin a thuphate hong pialo-in om tuanlo hi. Tatsatlo-in a thuphate hongpia veve hi. I mawh, i siatna laitak nangawn in a hong it veve hi. Ama maipha ngah nading hoihna bangmah i nei kei hi. I thalawh theih zong hilo hi. Pasian in eite hoihna kisas peuhmah lo hi. Lai Siangtho honghilh Pasian in mihingte hoihna kitangsam hilo hi (*Sawl. 17:25*). Pasian hong itna in mihing khempeuh aa dingin hong kipia itna hi.

Simin, Mang. 4:11 le Late 33:6. Piansakna le phal takin hong kipia Pasian itna bang kipulaak hiam?

Pasian in man ngenlo in leitung bawl hi. Tua hi-in Amah bek mah biak thamcing, pahtawi taakcing, vangliatna khempeuh a nei dingin a kilawm hi. A dang leitung khat bawlkik ding kisaslo hi. Hih leitung a bawlma-in Thumgawm Pasian tawh kizopna siangtho, kipumkhatna le nuamna tawh kidimin a om uh hi.

Simin, John 17:24. Leitung pianma Pasian hong itna bang kipulaak hiam?

Pasian in a it ding khat a piansak hamtang ding kisaslo hi. Ahi zongin Ama in itna ahih manin pian'sak na khempeuh tawh kizopna nei hi. Sawlna tawh nate a piangsak hilo bek thamlo-in itna mah tawh tuni ciangin hong kem tawntung Pasian hi.

Leitung ah mawhna hong piang in Amah langpan'na lakah Pasian in a itna honglak veve hi. Eden huan sungah mihing in mawhna hang in gimna thuak khith ciangin zong mawhnei mite hong it veve lai hi.

Mawhna sung a tun khith uh ciangin Adam le Eve in nungta dingin kilawm nawnlo uh himah taleh tatsatlo-in Pasian itna sang khalai veve uh hi. Ahi zongin Pasian in, "Ama vangliatna tawh na khempeuh kipsak hi" (*Heb. 1:3*), a lian mahmah hong itna le hong hehpihna, lainatnate hangin nuntakna nei-in a nungta thei ihi bek hi. Amah tawh kizopkik theih nading lampi itna tawh hong bawlsak khin hi. Tua sungah nang le kei zong a kihel thei ihi hi.

Bangbangin siatnate lakah bang thu hangin tatsat lo-in Pasian hong itna hong pia-in, Ama itna le a zia le tong bang kimu thei hiam? Koi bangin hih thuman in Topa hong itsakkik hiam?

A Sapmi Tam, A Teelmi Tawm

Pasian in lungsim takpi tawh hong it ciangbek hilo, Amah it kik dingin hong samlai hi. Tua hang mahin Pasian in hong itna sang ding nial ding cih suakta tak in teel theih thu hongpia hi cihpen Khazih in mopawi thu gentehna le mundang dang ah zong om hi.

Simin, Matthai 22:1–14. Hih thu gentehna a khatna bang hiam?

Khazih' thugentehna mopawi sungah, kumpi khatin a tapa' mopawi hongpai dingin "a nasemte sawlkhia in a sapsa mite va zawnsak hi napi, amaute hong pai nuamlo uh" hi (*Matt. 22:2, 3*). A nasemte paikhia sakin khatvei sang tamzaw zawnsak zel mahleh, amaute un awlmawhlo in, a nasemte manin that uhhi (*Matt. 22:4–6*).

A nasemte pawlkhat a ki thahlup sak nungciang in, kumpipa in a nasemte kiangah "Mopawi in a baihsa in omkhin a, ahi zongin kasap mite in a neding in a kilawmlo mite a suak uhhi. Tua ahih manin lam lianpi ah vapai unla, mi namuh zahzah uh hong sam un" (*Matt. 22:8, 9*) aci hi. Tawlkhat khit ciangin mopawi puan a silhlo mikhat a pualam ah lawnkhia sak a cihpen in; tua mopawi kihel theihna dingin kumpipa kiangpan mah in mopawi puan ngah ding kisam khatna thukpi anei kammal "a sapmi tam, a teelmi tawm" (*Matt. 22:14*) cih tawh Zeisu in thu khup hi.

Bang a cihnopna hiam? Mopawi ah kihel dingin a nunungpen Topa' "*teelsa*" te "*teeltuam*" te ahi uhhi. "*Sam, cial*" a cihpen, Greek pau ah *kaleo* hi a; a nunungpen in aki "*teeltuam*" (*eklektos*) hi a, sapna cialna angah sitset sate ahi uhhi.

Tua pen Pasian in, mopawi ah mikhempeuh a sapna a cialna ahi hi. Hitei napi, Pasian' hong itna kinial theilai hi. It theihna ding in suahtakna kipia hi. Pasian in Amah it ding in kuamah sawlngawh lo hi. A dahhuai thu ah, Pasian tawh ki it takin kikhawlh ding nial thei lel hihang.

"*Teeltuam*" cihpen sapna cialna ngahte ahi uhhi. Pasian a it-mite a dingin, Pasian in, eite ngaihsut phaklo na lamdang tampi takmah bawlkhol zo hi.

Sapna cialna sangsa na hihna mopawi puan zong silh khin na hih lam nangma nuntakna in hong lak hiam?

Eite' a Dingin Kikhai

Pasian in itna sungah Amah tawh kikhawl dingin mimalkim hong sam hinapi, lungsim takpi tawh a sang mite bek in tawntung nopsakna ngah ding uhhi. Mopawi thu gentehna sungah, kumpipa sapmi tampi om hinapi “*hong pai nuamlo uhhi*” (*Matt. 22:3*).

Khazih in a kikhai madeuh in a kah kammal sungah “Jerusalem, Jerusalem aw, kamsangte na that a, Pasian’ sawl kamtaite na denglum hi. Akpi in a kha tawh a note a huai mah bangin na mite ka huainuam tawntung a, ahi zongin na ut kei hi” (*Matt. 23:37*) cihi. Khazih in huainuam mahmah napi, utlo uhhi. Tua “ut” cihzong Greek kammal *thelo* hi a, Khazih in a hotkhiat nopna le amau hotkhiat ding a ut loh na uh munnih ah kizang khawm hi (*Matt. 22:3* ah zong kizang lai hi).

Hinapi, Khazih in tua mite a ding mahin singlamteh ah pai hi. A lamdang itna hi! Mihing’ mawhna in sihna bek thalawh hinapi, Pasian in Khazih tungtawn in manh hongpiak sak a, vantung le leitung kikaal a kisiasa kizopna zong puahphat nading lampi hong honsak hi. Tuabang pipi mah in eite hong it teitei a, ei’ tungah bangmah hong baalo napi Ama’ lungsim sungtawng panin hong piang tawm ahi hi.

Simin, John 10:17, 18. Galati 2:20 tawh enkak in. Eite ading bang thupiak om hiam?

Pasian hong itna sangpen – singlamteh tungah Khazih in Ama’ deih teelna tawh hong kipia hi. Khazih in Ama’ nuntakna piakhia in hong “*bulpat sak*” hi. Kuamah in Ama’ nuntakna laksak lo hi; leitung pianma pek pan in vantung ah thutuahna omsa bangin, lungsim takpi tawh Ama’ piakkhiat hizaw hi.

“Ei hong hotkhiatna ding vaipen a ki nung-ngaihsut hi vetlo a, Adam puk khit peuh khawng ciang a kigeeltawm hilo hi. Tanglai panin a ki iimcip thute tu ciangin a ki pholak ahi hi (*Rom. 16:25*). Khang tawntung a Pasian tokhom’ tawphahpi hong ki pulak ahi hi. A kipatcil panmah in Satan’ lampialna pen Pasian leh Khazih in thei khin uh a, tua lampialna mah tawh mihing ana khemtuk ahi hi. Pasian in mawhna om theihna ding thu pialo hinapi, mukhol khin ahiah manin, tua a phutna ding un nawh kigin mahmah uhhi. Leitung itlua a hih manin, a Tapa neihsun piak ding hong kamciam a ‘Amah a ummi peuhmah kisia hetlo in tawntung nuntakna ngah hi’” *John 3:16.*— Ellen G. White, *The Desire of Ages*, p. 22.

Ngaihsutbeh Ding: Ellen G. White lai *Christ's Object Lessons* laimai 405–421, “To Meet the Bridegroom” simin..

“Pasian i telkhialhna in leitung tuamcip in mialsak hi. Pasian’ tatleh hekzia mite’n mansuah ta uhhi. Ki telkhial in ki pulakkhial gawp hi. Tua laitak in Pasian in hong hotkhiat ding a vangliatna pulak ding thupuak hong pia hi. Pasian tatleh hekzia pulaksak ding hi hang. A mialcip leitung ah Ama’ minthanna, a hoihna, hehpihna leh thumaan khuavak taang sak ding hihang.

“Hihthu pen kamsang Isaiiah in eite nasep ding cih a gualhna sungah, ‘Jerusalem aw, mualsang dawn ah kahto in lungdamna thu kiko in. Zion aw nakpi takin awng inla, lungdamna thu tangko in. Nakpi takin kiko inla lau kei in. Judah gam khuapite tungah, ‘Na Pasian uh hong paita hi’ ci in genta un” Isaiiah 40:9, 10.

“Mopa hong pai ding a ngak te in mipi tungah a gen dinguh thu in “Na Pasian uh en un. Hong hehpihna khuavak, leitung a dingin Ama’ hong itna hong itna hong pulakna a hihi. A tate in Pasian’ minthanna kilangh sak ding uhhi. Amau’ nuntakzia leh tatleh hekna sungah, Pasian in Ama’ hong lainatna tawh hong bawlsaksa teng kilangh sak ding uhhi. Dikna Nitaang khuavak in gamtat hoihna sungah taang ding a – thumaan kammal leh siangtho gamtatna sungah kilangh sak ding uhhi” —Ellen G. White, *Christ's Object Lessons*, pp. 415, 416.

Kikupding Dotnate:

- ① Pasian in ei hong mudah hi cih ngaihsutna in; Pasian omlo hi cih ngaihsutna sangin siazaw hi? Tua thu in thumaan hi peuhmah leh, I leitung bangzah in a tuampi khat hong hi tammaw?
- ② Tuni i leitung in nakpi takin Pasian telkhial uh cih banghang in umthei na hiam? Pasian omzia a kitzelzaw in mipite na hilhcian theihna ding lampi zong in.
- ③ Tuni in i pulak ding Pasian’ omzia thupuak in bang peuh a hi diam? Pasian hong itna tawh aki uitui nailo khatpeuh tungah koibang in hihthu telkheh thei ding nahi hiam? Pasian hong itna leh a nasepna nangma tungah bangpeuh a om hiam?
- ④ Pasian hong itna kikup pen thu khat hi a, midang tungah tua itna lengkik sak cih zong thu dangkhat mah ahi hi. “*Bang siangthona*” eite kiim leh paam tungah Pasian hong itna kilangh sak thei hiam?

Gua Kong Hon'na

Thupuak: -Andrew McChesney

Russia gam Moscow Internatinal SDA Biakinn-a neek khawm bawl na ah thu nget ding na linggulh na nei hiam ci-in Korea sangnau pang' kiang dong ing.

Moscow Universily ah sang akah tua pa in Korea sak lam gam aa ding thu nget sak in, Zeisu hong pai kik theih nading-in Korea saklam gam ah lungdam na thu tun' kul hi" ci hi.

2006 kum-a thu kin get sak na zui-in khanglam Korea SDA te'n Saklam gam mite aa ding avei lam uh Thei kha ing. Zeisu in "Tua ciangin mi khempeuh tungah teci ahi dingin Pasion' hong ukna hangin a lungdamhuai thu, leitung khempeuhah kihilh ding hi. Tua khit ciangin beina hong tung ding hi" ci hi (*Matt. 24:14*). Khanglam korea mite in lungdam na thu lei Tung bup ki zelh na ding in sak lam gam pen a phuut ding mun-in mu uh ah, Gua kong hon'theih ding lampi gen uh hi.

SDA thu pen Saklam gam ah 1940 kum-in na tung-a tua pan-in khang lam gam ah zel suk hi. Tu laitak-in Khanglam Korea gam ah mi awn 52 lak ah pawl pi mi 285,000 om hi. Ahih hangin Saklam gam ah mi awm 26 om-in SDA a om lam kithei khalo hi. Saklam Korea gam nasep ding Northern Asia Pacific Division-a director a sem Beom Seok Oh in saklam ah Pasion in mi nei lai hi cih kigalzaak hi ci hi. Khanglam Korea nupi khat Sabbath ni ah na asepep noploh man-in Sabbath zingsang-in belui (sauce) dawn in ci na-tawm sak hi. Amah thong akiat ciang-in Lai Sangtho a ken' theih nading hong vaihawm thei in lei sungah phum-in, to in sim hi. Atawpna teh suakta tak-a Pasion a biak theih nading-in Khang lam gamah hong luut sim thei hi. Pawlpi makai te'n saklam gamgi kihon' ding hun ngakngak uh hi. A kihon' teh nasep sawm uh hi. Tu tadih in bel saklam pan hong taisim te'n a kemphot uh hi. Deacon a sempa le a zi in hong tung thakte om nading vaihawm sak, kumpi ah lai phah dingte vai hawm sak hi. Deacon pa le a zi' pastor (lim sung-a) Chang-Seop Lee in kha guk a sawk khit ciang-in hong taisim pa in "Pasion sang ing cita hi."

Hong tai dang khat zong sak lam gam-a anusiati a zi, ata te angaih sut ciangin ih mu thei lo hi. Pastor lee in thu nan get in Saklam gam ah ciah hi. Pastor pa in tua pa huh na ding in "Saklam mite phak na ding-in tu-a ih muh te tawh ki pan thei hi" ci hi.



Korea saklam gam aading in thu nget sak in. Northrn Asia-Pacific Division ah lung dam na thu ki zelh na ding in March 29 ni-a ni pi kaal 13 na sumpi phal tak-in na khiat sawm man un kilungdam hi.

Khen I: A Huamin Etna**Thubulphuh:** *Hosea 14:4***Lungngaih Ding:** *John 17:24 ; Matt 22;1-14 ; John 10:17,18*

Thupatna: Pasion pen eite' ngaihsut zawhzahna sang' a sangzaw in mi khempeuh it hi. A itna pen zai-in hehpihna tawh kidim-a, mite a cihtaklo pipi mah-in, amah in a itna a lakding-in kipia hi.

Lesson Thubulphuh: Tu kaal lesson ah thuguipi thum i en ding hi:

1. Pasion itna pen kispna om man-a apiang hilo hi. A itna pen mihingte tawh koici kizop hiam cih i telna ah bulphuh hi. Pasion itna pen a hoih na lahkhiatna hi. Ei mihing hih zawh na hang-a a itna hong piang hilo hi, ei septheih omlo hi. Pasion in a meet nading lamem lo-in a itna honglak hi. Hosea, Israelte le ei' tungah a it'dan mah-in mi kim it hi.
2. Pasion' itna a zai a thuk dan kituk'teh theilo hi. Pasion' itna pen thu piang ding khat kism masalo hi. Amah'n ei ading in phal tak-in kipia hi. A itna in a hehpihna a picingzaw-in lak hi. A itna pen lametna khempeuh sang-in sangzaw, zaizaw-a a hehpihna, deihsaknate a kilawmlo pente tung na-ngawn ah pia hi.
3. Pasion' itna kinial thei hi. Pasion in a itna a cing-in honglak hi. Ahih hangin tua thu in mihing' thuk kikzia ding vasai suklo hi. A itna in mi uklo-in san' theih, nial theih khuan hongpia hi.

Nuntakna ah Zatpah Ding: Pasion' itna pen lametna khempeuh sangin sangzaw, zaizaw-a a hehpihna, deihsaknate a kilawmlo pente' tung na-ngawn ah pia hi. Pasion itna thu in ei' tungah thu hoih a semlote tungah i lungsim bangci kheel sak zo hiam?

Khen II: Hilhcianna**1. Pasion' Itna Pen Kispna Om Man-in a Piang Hilo Hi.**

A itna pen nadangte hangin a piang hilo hi. A hang (cause) le athu (effect) kizopna ah a thu pen a hang a om man-a a pian'kul hi. Pasion' itna thu ah bel kipiakna (volumtery) thu tungah kinga-a a hang le a thu tungah kingalo hi. Tua thu pen Hosea le angkawm a zi tangthu ah kigen mahmah hi. Amau tangthu pan in Pasion' itna pen pian'sakna thu om ding kismlo-a a khong-in a piak lam kimu ding hi.

Hosea le a khawnkhong Pasion' itna: Hosea 14:4 in Israel' cihtak lohna a damsak ding a kamciam lam leh a mite a it sawm na zom hi. Pasion in lamkhial a mite a zuun kik ding thu acih cih pen hih kamciam in gen pha kik hi. Tua pen Hosea 2:14-23 ah gen-a, Hosea in a citaklo a zi a it' veve na thu lak hi (*Hos 3:1-5*). Hosea tangthu in Pasion itna pen a cit lam lak hi. "Hih itna pen kitha lawh theih hilo hi — Pasion san' theih ahieh theih nadingin Israel in bang hih zo peuhpeuh hiam?" Hebrew kammal *nedabash* in Pasion in Israelte it ding hi cihthu genpi-in nei hi. "Kipiak khiatna" "citna lungsim tawh pia" cih a khiatna om hi." — Douglas Sturat, "Hosea-Jonah," *Word Biblical Commentary* (Dallas: Word, Incorporated, 19897), vol. 31, p. 215. Tua hi-a, Pasion' itna pen Israelte' tatzawh na tawh a piang hilo hi. Ama' citpiakna hizaw-a citpiakna hi king keng hi. Hosea 14:4 — a Pasion sepkhiat pen (*Hos. 5:13; Hos 6:1; Hos. 7:1; Hos. 11:3*) Pasion' itna ii piakkhiat nopna zia hi, Israel te'n amau tha tawh citak zolo hi. Tua hi-a cingh tak-a itna in Pasion' itna a thuakte pen a kilawmlo taktakte hi.

Pasion' itna le pian'sakna: Itna ah kithuah khopna i kulsak na in Pasion zong itna nei Pasion ahieh theih nang'in na a pian'sak ding dong tung sak hi. Adang in genpha lehang Pasion' itna om nadingin pian'sakna kizam hi cihthu hi. Ahieh hangin Lai Siangtho in tua thu genlo hi. Tua thu in Pasion pen thu nei mahmah khat suaksak hi. Pasion in a pian'sakte' kiang pan bangmah kizamlo hi (*Sawl. 17:25*). Tua ban ah Pasion itna pen khuavan'pi kibawl mapek-in omkhin-a Zeisu in Apa in Amah pen "leitung pian'ma in" (*John 17:24*) it khin hi, ci hi. Tua hi-in Pasion' itna a om theih nading-a leitung kipian sak ding kizamlo hi. Piansakna pen a tawntung-a a luang itna hang-a a piang hizaw hi.

Pasion' itna in a khong-in pia hi: Singlamteh tung ah Zeisu hong sih na pen itna bulphuh-a kikhamna hi. Amah pen thahna a thuak hilo hi. Zeisu in "ka nuntakna ka lak kik theih dingin pia, kua mah in ka nuntakna a hong lakkhiatsak kei hi. Keima thu a ka piakkhiat ahi hi" ci hi (*John 10:17, 18*). Tua mah bangin Paul in zong Khazih in "kei hong it in keima tang'-a hong kipia" ci hi (*Gal. 2:20*). Tua hi-in Zeisu kikhailupna pen Amah a khailumte' hang hilo hi. Pasion' itna lak ding-a a kipia tawm hizaw hi.

2. Pasion Itna a Zai a Thuk Dan Kituk'teh Theilo Hi.

Pasian' itna pen a hang a thu tung ah kingalo hi cihthu in tukteh ding hilo, galseh ding hilo cihna hi. Sehsakna thu Moses gelhna sungah nihvei tak Pasian kiangah kithuumna kigelh hi.

Amasa pen Abraham' thuumsakna hi-a (*Pian. 18:23-33*) Sodom le Gomorrah khuate tungah thukhenna (*Pian. 18:20*). Abraham in khua sung ah midik 50 omleh na usia diam, ci-in Pasian kiang ah dong hi (*Pian. 18:24, 25*). Abraham muhna ah mi 50 hileh khawitaak sa hi. Abraham in hong khiam suksuk hi, 50 pan 45 (*Pian. 18:28*), 45 pan 40 (*Pian. 18:29*), 40 pan 30 (*Pian. 18:30*), 30 pan 20 (*Pian. 18:31*), 20 pan 10 (*Pian. 18:32*), amah zong Pasian' thutan'na thuum nawnlo-in a hehpihna thuumta hi (*Pian. 18:27, 30, 32*). 50 bel thutan' na aa dingin a kilawm zongin 10 taktak ciang bel kilawm sa nawnlo hi. Thuumna a kipat pek in Abraham in Pasian pen thutang masa dingin (*just*) tua nung ah hehpihna lamen hi i cihleh, a kiho dan pen tua zawi tawnlo hi. Thuumna a bawlna ah Pasian' hehpihna pen mihing' geelzawh zah sangin tamzaw hi cih honglak zaw hi.

Anihna pen Moses in Sinai mual ah Israelte aa ding a thuumna hi. Moses in Pasian in Israelte' tungah hehpihna a neih dingin a thuum tawh kibang hi (*Pai. 32:11-24, 31-33*). Tun hilo hi. A gen uh pen Pasian' vaang thu hi (*Pai. 34:6, 7*). Bekthamlo-in Pasian in a kilawmlote it hi cih kipsak hi (*Pai. 33:19*), saikaakna pen "mi tul tampite tungah hehpihna nei" le "khialhna..... khang thum, khang li dong thuk" (*Pai. 34:7*) hi-in Pasian itna a zai, a thuk zia kitukteh theilo cihna hi, tua pen cingh tak-a a itna ah kimu thei hi.

3. Pasian' Itna Kinial Thei Hi.

Pasian itna ii suahtaakzia pen mihingte' thukkik dan ding naseh khol lo hi. Pasian' itna pen kipiakkhiatna hi, a hang a thu cihte omlo hi. Jerusalem tungah a tamlawhna ah a tate a hot zawhlohna thu dahtak in gen hi. Amah'n "a huai nop pahpah" nopna thu genpi-in nei-a "aakpi in a note a khanuai ah a huai bangin na tate ka huai nop hangin na ut kei hi" (*Matt. 23:37*). Greek verb *thelo* hih mun ah nihvei kizangh in thu kibang lo lam-in na zang hi. Amasa ah Khazih in a hotnopte tungah a vei'na, a nihna ah amau pen na utlo ci-in lak hi. Tua ahiah manin Pasian itna pen a sang khate ii thuh dan ding vasai suklo hi. Kamsiatna ah bel hih itna pen kithukkiklo ahiah manin bucing lo hi.

Pasian itna nialna thu a dang khat pen Mopawi thu gentehna ah kimu hi, tua takah mi tampi in sapna ngah uh a, amau in na nial uh hi (*Matt. 22:3*). Tua ciangin a dang tampi kisam beh-a amau zong pawl hong sim uh hi (*Matt. 22:9, 10*). Ahi zongin amau lakah khat in “mo puan silhlo” hi (*Matt. 22:11*). Tua thu gentehna in “a kisam mi a tam hangin a kiteel mi a tawm hi” (*Matt. 22:14*) ci-in khup hi. Hih “vantung gam” (*Matt. 22:2*) thu gentehna ah kiteel cih kammal in Pasian sehkhohlna (*predestination*) thu omlo-in Pasian’ sapna mite’n sang hiam, nial hiam cihthu ah kingah hi. Thu khat pan “mi tampi tak kisam-a, pawlkhat in hong pailo, pawl khatte lah pai napi thu zuilo ahiah manin hawl khiat tuak uh hi. A om lai te “a kiteelte” hi. —D. A. Carson, “Matthew,” *The Expositor’s Bible Commentary: Matthew, Mark, Luke* (Grand Rapids, MI: Zondervan, 1984), p. 457. Tua hi-in, teel theihna thu i neihna pen Pasian itna in hong suahtak sakna hi-a tua in suakta takin sangthei, nial thei hi. Suakta takin i san’ ding in hong kizawn hi.

Khen III: Nuntakna-ah Zatpah Ding

Pasian’ itna ah suahtakna om hi cihthu dappah-in a nuai-a dotnate kikum in:

- 1. Ei thusiamna hangin Pasian’ itna a kingah ahilohna thu in ei pen Amah tawh koici kinai sak hiam? Genteh theih khat gen in.**

- 2. Pasian’ itna in ei lametna sangin khengzaw pek, a kilawmlo pente na ngawn it cihthu ah thu umlote tawh kihona ah lungluut nading thu bang om hiam?**

- 3. Ei pen kamsiat napi tawh Pasian’ itna bangci nial kha thei i hiam?**

- 4. Pasian’ itna in zawhthawh thu zanglo hi cih thu lungngai-in ei zong Khristian i hihna zui-in midangte koici it’ theih ding i hiam?**
